



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad
Dominicam Septuagesimæ

Haineuve, Julien

Coloniæ Agrippinæ, 1665

De sanctis non Virginibus. Mulierem fortem quis inveniet? Qua ratione
difficile est Mulierem fortem invenire, eadem facile est inventam
prædicare.

urn:nbn:de:hbz:466:1-44194

& supernaturale, quatenus id humanæ naturæ est, velle prudentem haberi, aut certe nolle fatuum reputari: & id gratiæ ac supra naturam, sic velle à Deo commendari, aut nolle ab eo reprobari. Ergo in id Anima mea quantum tibi est naturæ & gratiæ, in id totum confer & collige, ut vigiles ad omnia, nihil per incuriam aut delidiam negligas: non indormites, ne statim postea dormias, sicut istæ virgines fatuæ dormisaverunt & dormierunt, id est, à levi culpâ, seu negligentia in graviozem ceciderunt.

Denique sicut in materia Castitatis, sic ubi-

que vigila, sic certa, sic vince pro integritate perfectionis, ut possis univesim cum Sara Coniuge Tobia dicere: *Mundam serva vi animam meam ab omni concupiscentia.* Sic aptè S. Cyprianus ad virgines; *Quarum, inquit, quod sublimior gloria, major & cura est. Flo: est ille Ecclesiastici germinis habitus &c. Neque inani hac cautio est, & vana formido, qua ad salutis viam consulit, qua Dominica & vitalia precepta custodit, ut qua se Christo dicaverint, & à carnali concupiscentia recedentes tam carne quàm mente se Deo voverint, consumment opus suum magno premio destinatum.*

Tob. 3.

*De disci-
plina &
habitu
Virginum.*

COMMVNIS SANCTIS, NON VIRGINIBVS.

Mulierem fortem quis inveniet? Prov. 31.

VERITAS PRACTICA.

Quâ ratione difficile est Mulierem fortem invenire, eadem facile est inventam prædicare.

RATIO EST, Quia idcirco difficile est Mulierem fortem invenire, quod ut mulier fortis inveniat, multa sunt illi expugnanda, qua difficile est expugnare.

Sed si semel ea expugna verit, sic que fortis inventa fuerit, tum valde laudanda est Mulier, atque inde propterea facile est illam prædicare.

Ergo qua ratione difficile est mulierem fortem invenire, eadem facile est inventam prædicare, seu summis effere laudibus: Unde discas quid sit verè laudabile in mulere: quid sit quod fortem & laudandam efficiat.

I. P U N C T U M.

QUÆ Sancta Mulier colitur, non dubium quin fuerit fortis, cum ad sanctitatem non nisi fortitudine perveniri possit. Quod autem tam fortis fuerit, ut ad eam sanctitatem pervenerit quæ in ea colitur, inde potissimum laudanda est & prædicanda. Sicut enim tam ratum est mulierem fortem invenire, ut sapiens quærat, quis eam aliquando inveniet; ita, si quæ fortis inventa fuerit, inde profectò est tantò magis laudabilis, quando est rarior. Atque ipsâ illâ ratione, quâ difficile est fortem invenire, eadem facile fiet, ut inventa laudetur & prædicetur; seu quod idem est, ut quàm sit *Haynufus Paris Prima.*

laudabilis, demonstratur. Quæ quidem Veritas modo expendenda sic univesim declaratur, ut particulatim sanctæ Mulieri de qua celebritas sive sermo instituitur, accommodari possit, & unicuique fructum inde colligenti qui potest elici.

Age ergo quænam est ratio, cur sit tam difficile mulierem fortem invenire? Hæc nempe est, quod ut fortis inveniat, multa sunt illi expugnanda, quæ difficile est & perarum expugnare. est enim omnis mulier, atque illa præsertim quæ viro supsit, naturali propensione tam variis affecta & addita mundi rebus, ut humanum affectum inde extrahere, sit quàm difficile. Nisi autem affectu suo sit valde temperata, numquam fortis censetur, cum in eo potissimum sita sit fortitudo, ut affectionibus animi resistatur, quibus qui cedit, non nisi mollis, infirmus, & imbellis habetur.

Quænam porro sint illæ res, quibus nupta Mulier seu Mater familias communi sexus inclinatione, seu particulari sui ductu ingenii afficiatur; tu ipse vide quantæ sint, quæ naturalem appetentiam vehementius excitent, & agnosce illas omnes esse, quæ illius animum implicant, divitiæ abundantes, domus ampla, supellex varia, vestes exultæ, ornatus omnis, viri summa auctoritas, natorem gratia non vulgaris, & quicquid demum oculis placet, hoc totum mulier appetit; & in hoc appetitu tota conquefcit & tota vivit, nisi totis viribus sibi resistat, nisi se cum pugnet, ut appetitum rationi & gratiæ subijciat. Quod quàm sit difficile, vel ex eo patet quod sibi ab aliis resisti vix umquam patiatur

Mm

mu-

mulier, quanto minus à se, si potest sibi indulgere quod cupit? Quod si non potest, eò acius cupiditas excitatur, amor in dolorem transit, & dolori resistere non est minor difficultas, quam amori. Hinc aptè Sapiens, *Mulier si primatum habeat, contraria est viro suo, & si non ambulaverit ad manum tuam, confundet te in conspectu inimicorum.* Quia scilicet cupiditate solà movetur, qua etiam ceteros movere vellet potius, quam ab ea dimoveri. O quàm sapienter Apostoli toties iterant & commendant, ut sint mulieres subiecta viris suis.

Ecclesi 25.

Ephes. 3.

Coloss. 3.

I Pet. 3.

II. PUNCTUM.

SED si semel difficultates illas expugnârit Mulier, si que fortis inventa fuerit, tum valde laudanda est, atque inde propterea facile est illam prædicare.

Certe si sit inde valde laudanda, facile est etiam, inde illam prædicare, seu suis ornare laudibus. Quod inde autem sit valde laudanda, tam manifestum est, quàm Virtutem esse laudabilem & quàm aperte patet seipsum vincere, virtutem esse præcipuam, atque eximios esse virtutum affectus, quos variæ occurrenti vineendi occasiones & difficultates. Atque hic si à thesi ad hypothesein seu ad particularem alicujus mentionem descendas, exponi possunt, quæ de quanta habuerit pervincenda, quæ à fortitudine pervicerit, quibus inde, virtutibus eluxerit, & quibus propterea laudum encomiis sit evehenda. Neque enim duntaxat vitium quod à cupiditate proficiscitur hæc fortitudine impeditur, sed illà cupiditate semel repressâ, omne genus boni in domesticos & externos exercetur. Nam sicut ubi malè mulier, nihil peius, sic ubi bene, nihil melius. Vide Ecclesiastici caput vicissimum quintum, & vicissimum sextum, in quorum altero, quantum de muliere nequam, tantum in altero de muliere sancta fuse differitur. Percurre etiam quæ de forti muliere R. overbiorum trigesimo primo capite referuntur, & quanta inde virtutem & laudum seges colligi possit, facile est intueri.

Ecclesi. 25.

Et 26.

Prov. 31.

O quantum nobis bonorum quotidie deperit nostri à negligentia! Eo mulier in se sua domesticâ, in lana & lino, in omni denique manuum suarum opere, sanctitatis cumulum sibi collegit, nos ne toto anno id consequemur, quod uno illa momento!

III. PUNCTUM.

QUA ratione igitur difficile est mulierem fortem invenire, eadem facile est inventam prædicare. Cùm difficultas inveniendæ fortis proveniat à difficultate fortitudinis exercendæ contra naturalem sexus propensionem in omnium rerum cupiditatem, quæ cupiditas quando etiam reprimatur, tum fortis apparet mulier, & tantis propterea digna est laudibus, quantæ res erant concupiscibiles quæ fortiter vel omnino contemptæ sunt, vel ad solum vitæ usum ex virtutis præscripto reservatæ. *Regnum mundi & omnem ornatum sæculi contempsit propter amorem Domini mei Jesu Christi.* Hoc est esse mulierem fortem; hoc est esse tam præclarum, quàm rarum; hoc denique est quod tam facile de inventa prædicatur, quàm difficile est invenire de qua prædicetur.

In Officio Ecclesi.

Hinc fortassis Israelitæ, cùm de acceptis donis insigniores Deo gratias referre vellent, vel offensum sibi efficacius propitiare Numen, nihil exogitarunt accommodatius, quàm ut Deo præsentarent, quod cupiditatem habendi solet vehementius, seu in viris, seu præcipuè in mulieribus excitare: nempe periscelides & armillas, annulos & dextralia, ac murenulas, quæ cuncta Deo magnificè ab ipsâ oblata commemorantur, non tam ex rei oblatae pretio, quàm ex Offendentium animo, qui re admodum carâ & desiderabili sese viriliter denudabant.

Num. 31.

Eximia est in hoc genere, Temperantia & Fortitudo Regina Esther, quæ sic de se, Domino. *Tu scis, inquit, necessitatem meam, quod abominat signum superbia & gloria mea, quod est super caput meum in diebus ostentationum mearum, & detestor illud quasi pannum menstruatum, & non portem in diebus silentij mei.* Si sic Judæa mulier, quid Christiana? Numquid hæc Regina surget in judicio contra mundanam animam, quæ à Christo edocta mundum contemnere, minus contemnit quàm illa Christi prioris ignara? Rectè admodum S. Gregorius Nazianzenus, qui ex omnibus humanis & terrenis bonis hoc unum verè bonum reperiebat, quod in his haberemus quæ propter Deum possemus delerere, & nos ei simul cum bonis dare.

Esth. 14.